



Broj: 01-05-43190-61/19
Sarajevo, 24.12.2019. godine

SKUPŠTINA KANTONA SARAJEVO **Predsjedavajući Skupštine Kantona Sarajevo**

Predmet: Odgovor na zastupničko pitanje zastupnice Bilsene Šahman

Zastupnica Bilsena Šahman na 16. radnoj sjednici Skupštine Kantona Sarajevo, održanoj dana 11.12.2019. godine, u okviru tačke dnevnog reda „Poslanička/zastupnička pitanja, inicijative i odgovori“, a u skladu sa članom 213. Poslovnika Skupštine Kantona Sarajevo postavila je sljedeće **zastupničko pitanje**:

Na jednoj od prethodnih sjednica tražila sam da se poduzmu određene aktivnosti oko postavljanja rampi na prilazne lokalne šumske puteve, kao jednog od načina borbe protiv bespravne sječe šuma. Ministar Bašić mi je između ostalog odgovorio da je Uprava za šumarstvo u saradnji sa K.J.P. "Sarajevo šume" u proteklom periodu realizovala aktivnosti postavljanja rampi u cilju zaštite šuma od bespravne sječe i bespravnog prometa šumskih drvnih sortimenata.

Međutim dobila sam informacije da na relaciji Srednje – planina Ozren ne postoje te rampe i da se na ovom dijelu svakodnevno bespravno sječe šuma i da neposredni rukovodioci K.J.P. "Sarajevo šume" znaju ko krade, ali o tome šute.

Na lokaciji Srednje – planina Ozren K.J.P. "Sarajevo šume" vrši uništavanje puta, šumske rječice i okoline, dok na drugim mjestima propagiraju kako održavaju okoliš. Ovo područje je jedno od neiskorištenih prirodnih bogatstava, a toliki je nemar od strane nadležnih organa.

Inspekcija za šumarstvo je donijela više odluka da se glavni šumski put sanira i da se iz rijeke Rače, sliv rijeke Bosne očisti oblova i ostali otpad. Međutim ništa se nije poduzelo na ukazanim nepravilnostima, čak resorno Ministarstvo privrede KS nije se udostojilo da građanima koji su slali dopise o ovom problemu putem e-maila, daju bilo kakav odgovor. Iako je napravljen novi asfalt dužine od šest kilometara, neće dugo trajati, jer ga pretrpani šleperi sa drvima uništavaju. Sa ovog područja se odvoze ogromne količine balvana. "Sarajevo šume" puno uzimaju od ovog područja, a malo mu posvećuju pažnje. Vlada KS je u septembru 2018. godine dodijelila sredstva za sanaciju šumskih puteva opštinama Hadžići i Ilijaš. Trenutno na području sela Šići izvlače se balvani (već oko 5 mjeseci), neparavljene su ogromne rupe i blato, tako da se malim vozilima jedva prolazi. Mještani okolnih sela su upozoravali iste, međutim na ove primjedbe su se svi oglasili. Potrebno je da što prije Vlada KS i resorno ministarstvo poduzmu adekvatne mjere za sanaciju ovog područja, te što hitnije postaviti potrebne rampe i time spriječiti bespravnu sječu šume. U Prilogu su slike pomenutog područja.



Odgovor:


- Programom utroška namjenskih sredstava u oblasti šumarstva iz Budžeta Kantona Sarajevo za provođenje šumsko-uzgojnih radova i radova na zaštiti šuma na području Kantona Sarajevo u 2019. godini koji je usvojen je na 34. sjednici Vlade Kantona Sarajevo od 22.08.2019. godine. (Zaključak Vlade Kantona Sarajevo broj: 02-05-31141-32/19 od 22.08.2019. godine) predviđena je realizacija dijela projekta "Monitoring zaštite šuma od požara i šumskih krađa uspostavljanjem video nadzora, fizičkih prepreka sa fizičkom i tehničkom zaštitom uključujući i stacionarne rampe a sve u cilju zaštite imovine Kantona Sarajevo" koji se odnosi na postavljanje zaustavnih rampi sa stražarskim kućicama na najfrekventnijim lokacijama na šumskogospodarskim područjima: ŠGP"Gornjebosansko", ŠGP"Igmansko" i ŠGP"Trnovsko". Iznos sredstava predviđen za izradu i postavljanje zaustavnih rampi i stražarskih kućica je 83.167,05 KM. Cilj postavljanja zaustavnih rampi je neposredna zaštita šuma, odnosno borba protiv bespravnih sječa i bespravnog prometa drveta. Za realizaciju projekta i održavanje zaustavnih rampi i stražarskih kućica zaduženo je K.J.P."Sarajevo šume"d.o.o. Sarajevo.

Kada je u pitanju korištenje i održavanje šumskih komunikacija članom 37. tačka (6) Zakona o šumama Kantona Sarajevo ("Službene novine Kantona Sarajevo" broj: 05/13) definisano je da: "Korisnik šuma (K.J.P."Sarajevo šume"d.o.o. Sarajevo), u skladu sa odredbama ovog zakona, gradi, održava i nadgleda šumsku transportnu infrastrukturu i promet na istoj".

S poštovanjem,

Dostavljeno:

1. Naslovu,
2. Vladi Kantona Sarajevo-na znanje,
3. Evidenciji,
4. Arhivi.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

